


250.105

38




望城縣志

豐城縣志

續脩豐城縣志序

豐城志初自宋寶祐元年



元明迭有脩纂書多撤佚

國朝二百餘年凡四脩歲戊辰

上臺纂脩通志檄各屬先

豐城縣志

卷之首

序

脩縣志時宰斯土者平江

五君吉士衷貫開局遴邑

賢任之攷舊訂新悉心纂

校俱各稱其事未幾吉士

調省淮川唐君梓臣攝篆

概循舊轍壬申委吉士後位
秋捐館舍邑賢惜之謂志
事失師承矣比余至不越
月而書成邑賢以序言乞
不獲辭爰思豐城有劍

名干將莫邪後皆以龍化星
豐固寶氣所見地也論者
謂吉士既騰空而化梓臣又
膏澤南行其俱成龍之劍
歛余尺護耳無足比奚敢

以兩夬之經畫龍雖並諸賢
之蒐輯矜慎擅探其美乎
雖然昔之人有龍頭龍腹
龍尾之稱兩君無愧固已余
竟附尾非探仍探也都人士

豐城縣志

卷之首

序

三

其不笑余以鉛刀比利於干
莫否

同治癸酉春三月

錢江五傑之叙



纂修姓氏

主修

同知直隸州豐城縣知縣

王家傑 吉士湖南平江人辛亥舉人

運同銜賞換花翎代理豐城縣知縣

唐先霖 梓臣湖南瀏陽人辛亥舉人

同知銜署豐城縣知縣

汪綬之 芎鄉浙江錢塘人乙卯舉人

督修

同知銜湖南興寧縣知縣

萬時若 廬谷後萬里人舉人

纂修

舉

人

周文鳳 勳臣陽坊牛輓人

樂安

縣

教

諭

李庚 夢白大水人舉人

豐城縣志

卷之首

纂修姓氏

分修

舉

人

傅錕 六吉派前人

舉

人

聶模寬 厚生竹溪人

咨選

教

諭

陸如照 沁香邑郭仙音巷人恩貢

恩

貢

李含英 蘊卿清溪人

候選

訓

導

甘樹垣 心竹儒源人副貢

副

貢

孫謀 貽生孫家渡嶺里人

歲

貢

呂先淮 淨菴洛溪人

增

貢

李培本 泉生邑鄆南湖人

增

貢

黃瑞南 芝雲門樓人

州

同

銜 涂 笏 象臣赤坑人附貢

附

貢 李增輝 鳳岡筱塘人

附

貢 鄒師曾 子魯橫山下坊人

附

貢 張丙照 達齋塘邊人

附

貢 周朝冕 藻吾城田壠人

廩

生 周 蓮 愛吾鄉塘人

總理

吉安府訓導委用教諭 李福亨 雲衢筱塘人廩貢

協理

六

品

銜 陸 鰲 駕山邑郭仙音巷人武生

豐城縣志

卷之首

纂修姓氏

二

議修

知府銜陞用直隸州署湖南龍陽縣知縣 陸運景 典臣邑郭仙音巷人廩貢

署 永 甯 縣 教 諭 孫懋修 省齋同造人舉人

候 選 教 諭 范思樂 震初槎村人舉人

大 挑 教 諭 楊春臺 熙卿秋源人舉人

舉 人 陳滋榮 德樹落鷺口人

舉 人 杜 揚 小香二溪津人

舉 人 江雲錦 漢階長塘人

舉 人 涂 湘 春帆比下人

舉 人 呂鳴岐 鳳岡北湖人

大常寺博士銜王亮潯生屯溪人拔貢

附 貢 劉士俊卓峯合水人

優廩 生 文學韓夢丹邑郭城隍巷人

生 員 熊元瑞蘭亭塘頭人

採訪 人 周泰禧鴻賓卿塘人

舉 高安縣訓導甘紹子振上坊人副貢

署南康縣訓導涂綬小渭北下人增貢

候選訓導涂增瑩蓮生北下人嚴貢

附 貢 金用礪幹臣田南人

豐城縣志 卷之首

纂修姓氏 三

附 貢 呂紹燮寅谷洛溪人

中書科中書銜 傅叶夢巖生浪前人附貢

附 貢 辛性靜山柿溪人

附 貢 熊景芬芸台南湖人

附 貢 任文炳藜照吳城人

詹事府主簿銜 徐士紱黼屏青藍人附貢

附 貢 徐維容盧谷楊樹塘人

附 貢 熊際飛子渭長山人

例 貢 黃用中吉周邑郭城南人

例 貢 張啟文小軒洞坑湖頭人

廩

生 李茂春 樹滋上舍人

廩

生 周朝昇 平塔城田壠人

廩

生 鄧榮椿 懋哉落星橋人

廩

生 楊齡 錫九秋源人

增

生 喻濟川 子舟富山人

增

生 徐鼎 小佩高埭人

生

員 何人鳳 祝岡溪頭人

生

員 孫光遠 思源同造人

生

員 黃桂馨 一山泗塘人

生

員 胡鏡祥 靖塵旗塘人

豐城縣志

卷之首

纂修姓氏 四

生

員 余士拔 芝田前村人

生

員 范兆蘭 芝厓槎村人

生

員 徐庚曜 西垣月塘人

生

員 杜煥南 小圃三溪津人

生

員 何鴻昌 左泉樓下埠人

生

員 潘星照 曉山鯨源人

生

員 黃茂 芝生荷塘人

生

員 龔立志 龍霧州人

生

員 朱還真 浹成茅園嘴寺前

生

員 金舒芬 蓮庄田西人

生

員

丁

達

少峯邑郭沙湖人

監

生

袁惠行

晚香鍾山人

花

翎

道

擊

銜

李時倫

睦堂邑郭南湖人武舉

膳錄

生

員

萬

浥

梓青後萬人

生

員

劉

韶

九成雲上人

候

選

縣

丞

徐颺言

伯廣三塘人

監

生

張

馨

蘭谷黃埠人

監

生

涂希濟

惠臣北下人

豐城縣志

卷之首

纂修姓氏

五

勸捐姓氏

王邦謹 魯瑤村頭人舉人 周泰禧 鴻賓鄉塘人舉人 葉傳芳 靜山葉家巷人舉人

江懷清 洗心長塘人舉人 熊申 子曠陸溪人舉人 陸如照 沁香仙音人恩貢

李含英 蘊鄉清溪人恩貢 陳疇 農生東邊人訓導 李時逢 實圃上石人恩副貢

鄔文和 養叔大港人歲貢 葛合帆 仙勛塘下人歲貢 吳實鏞 雁門白土人增貢

李培本 泉生南湖人增貢 呂先淮 淨菴洛溪人歲貢 陸運會 虞臣仙音人附貢

聶漢章 俸夫村前人附貢 蔣叔培 認卿樓下人附貢 李燦蓉 鏡吾北港人附貢

金用礪 幹臣田南人附貢 于京 敏生于家洲人附貢 周夢齡 錫堂周家山人附貢

鄒師曾 子魯橫山人附貢 周朝冕 藻吾城田隴人附貢 徐維容 虛谷楊樹塘人附貢

熊際飛 子渭長山人附貢 饒繼皋 破岡人附貢 涂笏 象臣赤坑人附貢

豐城縣志

卷之首

熊景芬 芸白南湖人附貢 徐駿發 惕齋白湖人例貢 周銓選 幼曾伏坪岡人例貢

敖拔羣 萃生花園人例貢 涂開元 沁泉低山人例貢 李印福 五城磯灣人廩生

萬楨 樹南田圃人廩生 周起渭 渙濱沙溪人廩生 周朝昇 平階城田隴人廩生

蔣之燧 薪輿邑鄆人廩生 蕭高鑾 蘭坡石離人廩生 金邦獻 子賢滕坊人廩生

周邁 愛吾鄉塘人廩生 傅炳炎 茨生王田人廩生 謝紱 子書山皆人增貢

喻濟川 子舟富山人增貢 盧俊 鶴樓瑤里人增貢 熊芷文 冕堂下鰲頭人增貢

陳顯忠 躬臣榮塘人增貢 甘泉 菊潭社里人增貢 熊瑞年 士田規溪人增貢

王寶善 楚村萬坊塘人增貢 熊元瑞 蘭亭塘頭人增貢 林際芳 芾堂寺前人附貢

金舒芬 蓮莊田西人增貢 孫光遠 思源同造人增貢 范兆蘭 芝厓松村人增貢

余士拔 芝田前村人增貢 傅思恭 澄心源溪人增貢 劉贊 子厚陽池人增貢

勸捐姓氏

何人鳳 祝崗溪頭 顧鐸 念生泉井 袁傲 惕吾袁坊

張瑞光 寅賓吉塘 熊藝林 仁山灣頭 劉韶 九成零上

杜湘 朗亭三溪 李茂林 復心上平 詹樹 日澗井門

呂瓚 渭臣大康 辛煥 星輝柿溪 黃桂馨 一山泗塘

曾紹傳 省吾西坊 徐啟泰 拔臣西坊 于炳燮 震如藍溪

金湘 曉帆斜溪 甘映奎 星垣佛樓 熊繼志 小川大屋

劉澹源 少泉荷浦 陳雨潤 愚堂遠岡 陳燮 岡人生員

李樹玉 碧山南湖 袁嘉麟 瑞生西原 趙向榮 東生瀘田

袁焯 仙壺西源 鄔維屏 柱臣故里 唐錫章 達唐坊

趙煥烈 蓉生白土 傅秉乾 三奇傳坊 王克仁 恬生城隍

豐城縣志 卷之首

范思韶 夔典桂村 熊維綱 範軒舊墟 李瀛春 雲仙大水

胡大中 子和旗塘 羅玉樹 瑤階尚莊 龔鏡蓉 子寶南保

胡漢章 顯庭龍霧 龔兆瑞 芝生龍霧 管叢 龍霧

林翹秀 隴城 胡映華 石友松湖 鄒崇嶧 湖塘

熊騰藻 春翰雄莊 余映甲 雁溪 傅春靈 王田

涂人瑞 石溪 涂桂林 小山寺背 黃茂 芝生荷塘

徐元貞 吉生夫嶺 鄒立藩 東垣橫山 李映庚 彬園烏岡

陸鰲 駕山仙音 朱朝棟 杭溪 徐雲龍 白湖

鄧式儀 彬臣雲莊 游源澗 松濤石上 金耀南 礪堂老塘

何溪 對山河灣 張馨 蘭谷黃埠 葉懷青 春園瀘田

勸捐姓氏 二

熊應飛 渙村楓溪人 監生

龔

遜 虞 言新岡 邑生

吳遇亨

吳家

張開翎 展如洞坑人 童生

趙思定

寅 附 清藍田人 貢主 爭衡

于鳳翔 桐邑七里人 廩生

周興麟 練石 山人 增生

豐城縣志

卷之首

勸捐姓氏

原序

豐水志序

豐爲邑且千載而圖志猶未大備蓋聞見狹而無以證事蹟散而艱於聚也雖幸而卒就於胡令君璉蕭贊府賓爲一時采掇未遑序正或者不無毫髮之恨孝友生爲邦民訪求差易竊嘗過不自料因其缺而蒐補之經涉一紀僅能彷彿若題名若詩話若人物則前此未是有也胡令之言曰自有天地至於今日不知其幾千萬年向之蛟龍百仞之淵今或爲蔓蘿藜薄之地而雲城金壘跋疐游焉其變化無常如此獨賢愚是非得失成

豐城縣志

卷之首

舊序

敗雖堯童牧兒有能道其陳跡之實若目前事蓋出於人心微之顯誠之不可掩也是故好古博雅之士觀城郭廢置壤地遷革世殊事異之不齊反求於心知有貫天地亘古今巋然常存不與物化波流而茅靡者於以推而放卷而懷知庖丁之刃無適而不有餘地也自蕭贊府續經旣出此序不存慨前懿文無傳也故錄於篇胡令君字宗偉建安人蓋文定之猶子寶慶乙酉二月望日邑人王孝友謹序

豐水志序

豐城雙劍所蟠氣鍾人傑舊矣彥約承乏分闡耳染心

敬已頓有兩玉人竊意星芒紫烟薈洩汗漫是不一姓也然視諸故府曾不一少概見豈信然耶邑人王孝友始遡而攷之以禪邱聚文約事覈自當傳信百世於是盡釋所疑而嘆人物之果不乏也故喜爲之卒業而書此以歸之至于酌風俗之本原辨戶口之登耗識萬物之聚散相與表章而敷棻之使悠悠千載有所攷証則長吏事也王君誠佳士雖未欲廣其書可乎哉彥約行矣歸田常閱成書於滕閣之上寶慶丁亥上巳大中大夫新除兵部尚書兼侍讀都昌縣開國男食邑三百戶賜紫金魚袋曹彥約書

豐水志序

嘉定戊寅宗旭入西江計幕以檄至盱時史君乃邑曹王仲平燕語之次適趙憲陷中馳驛詔史君所上具獄明毅有守班一道以爲準宗旭心甚敬之其猶子孝友又爲宗旭客一旦出豐水志相示昌谷曹文昌亦爲之品題矣獨念邑曹墓草已宿而家傳猶未立因詔孝友盍續成之不可以私廢也端平丙申仲冬旣望右諫議大夫李宗旭書

豐水志序

九州之志古也自時厥後凡有民有社者必志所以考

風土明因革也豫章爲江右會府而豐城爲壯哉縣一
旦紫氣騰踔上薄斗牛而物華天寶人傑地靈嘗望益
翁赫赫煥不志得乎前載遠矣丁未南渡更兩甲子紹
淳間凡再修纂而既往未詳方來未續邑士王君孝友
好學鮮嗜慾著述頗多豐水志其一也其於時之令佐
鄉之耆俊屢書不一書尤備於前異時爲令尹者矻矻
於常經細故方爬梳剔抉之不暇暇爲久計哉雖有是
書猶無是書也王君歿四年當淳祐乙巳歲三山劉公
以儒英敏手來惠茲邑疏滯如決渠剗繁如摧枯靡政
不舉靡敝不補按圖考籍顧有遺闕則從後林李公因

豐城縣志

卷之首

舊序

三

王君之舊稍加論次託梓以傳書來諭予俾敘其端予
曰此鄮侯入秦第一義也時俗何足以知之後之觀是
書者其必曰仕於邑者幾某爲賢某爲不肖家於邑者
幾某爲賢某爲不肖皆於是有所攷焉風土云乎哉因葺
云乎哉詩曰豈弟君子民之父母請以是告居官者又
曰維桑與梓必恭敬止請以是告居鄉者侯之意倘在
茲乎王君又嘗爲豐水賦願併刻之侯名卿月字昇叟
明年丙午二月旣望邑人徐鹿卿敘

豐水志序

圖志之成亦難矣討論會萃在下者之事也摭訪表章

有位者之職也二者相須而不相值蓋有曠百十年而不一逢者聞見異辭文所莫證非偶然也祥符中天子篤意文治蒐輯方志幅幘畢載于時豐城獲在一千一百五十三邑之數年運而往求之故府殆不復見厥後再纂於紹興胡令君而邑士何章文成乃其屬筆重修於淳熙蕭贊府而寓士甘同叔叔異實所授簡由後視前宜無遺憾今甲癸七周非惟時異事殊沿流泝源猶多缺焉至若鉅公聞人磊落相望乃不得與楚國先賢襄陽耆舊並傳茲非缺典之大者與王君順伯篤學有志遺文軼事悉力討究余亦每薦所聞垂二十年粗爲

豐城縣志

卷之首

舊序

四

成書昌谷曹公謂其文約事覈可以傳信百世非溢美者不意刪潤未竟而君絕筆矣合沙劉公來長茲邑發劔方新百廢具舉不鄙詔余頗詢故實是編始得轉聞旣又屬余論次以俟鈇刻會迫行弗克詳乃與順伯之弟孝恭子學裘考証舊聞傳益近事使成一家之言余聞郡國上圖志必以閏歲春朝會同圖籍畢陳倘得由此備職方氏之採擇則斯人斯文不爲不遇矣輒書卷尾以識歲月淳祐乙巳日南至邑人李義山書

豐水志序

洪都壯邑厥水維豐池山躍龍芙蓉浴日而品翼以三

洲故人才多偉特章水北來西江東匯而旁帶以雙流
故風俗務質厚天寶產靈紫氣紅光而上貫乎牛斗故
士氣尚激昂涪翁謂處士有巖穴之雍容文章有江山
之秀發其信然矣淳熙前圖志凡一再詮次而網羅未
備久且不傳卿月昉眎事請於後林李公公曰吾友王
順伯手所讎定昌谷曹公嘗品題之然筆早絕而書無
完每爲太息今其子學裘能世其家且相與辨此者非
大夫事乎卿月辭弗獲因以比年政役之沿革財計之
盈虛城池風物之變遷稍附益之纂成三卷從學裘是
正於後林文獻於是乎足證矣竊謂自有天地則有此

豐城縣志

卷之首

舊序

五

山川其炳靈發秀固不以古今異也自周通真黃吏部
王西坡孫敷山而下歌詞賦頌不止一家今騷人逸士
詞藻交絢夫豈無以振其響自甘伯武梅福王季友李
君儀而下勲名事業不知幾人今鉅公聞人風節相望
夫豈無以昌其傳甘露鳳凰神丹金粟闍珍現美夫孰
非數今豈無以宣其秘雷裴柳張朱馮程孟流風美化
代不乏人今豈無以新其政則是志也何足以盡富豐
之奇哉學裘其益討理之後林其轉從與之而今而後
將大書特書且不一書千載而下當與寶鏐璿璣相爲
光明矣淳祐六年丙午孟夏奉議郎知龍興府豐城縣

主管勸農營田公事兼弓手寨兵軍正劉卿月謹書

豐水續志序

王順伯修豐水志之六十有三年已陞爲富州又二十五年李君肖翁典鄉校居五年乃輯淳祐以來城池人物時政之蹟及前志所未備者爲續志六卷條數類析窮蒐極簡將以垂信方來惟東南物產豫章爲下故班孟堅曰物之所有取之不足以更費蓋自古然矣是書於貢賦之變未嘗不再三致意使爲政者戚焉有動乎中思復其舊政教所施必錄其善而遺其不善此居其鄉不非其大夫之意亦作志者之法也君以碩學粹德

豐城縣志

卷之首

舊序

六

起文獻之家居儒師之位祠先賢育人材無所不用其道猶惓惓是書而豈徒哉君子尚求李君之志邑人揭後斯敘

馬湖志序

成周之制職方氏掌天下之圖而邦國四方之志則又以小史外史領之於其山川之流峙疆域之廣袤風俗之淳漓人物隆替之類無不登載其亦爲爲治者之具一耳此後世郡邑之有志也抑亦本諸此與豐城實爲江右之壯縣志其可無乎舊雖有志而所載有失實者焉有過略者焉若夫其爲至要者如戶口租賦代有不

同則又不可不因其時之損益以書之也於是山西叅政邑人熊公觀既致政乃謀之於邑知縣繁昌朱瑄縣丞會稽余謚瓊山謝環主簿括蒼周宗貴典史武昌劉忠儒學教諭會稽柴璘訓導石首齊士馨各竭所知復極搜訪因以舊志而釐正之至一邑之所宜書者既核而詳條分緒列俾一覽之頃于所欲知靡不瞭然如指諸掌蓋有不特爲爲邑者之助而邑之士庶亦不爲無助焉書成叅政熊公馳書請余序其首余惟是志也備古述今登載之懿諸公其亦勤矣然不有作之於前者則今之修者無以知其源不有修之於後者則前之作

豐城縣志

卷之首

舊序

七

者無以演其流是知前作後述曷可無其人哉雖然邑之有志猶家之有譜譜以世更代易於所已譜者子孫有遠近親疎之不同邑之有志世更代易於所已志者有建置沿革之或異故識者必當其時而修改之斯譜之所以爲譜志之所以爲志也惟此志之修良亦諸公有見於此而同心協力以修之斯宜其不忝爲成書也與是可嘉也是可嘉也余故不辭叅政熊公之請而序其首簡云正統十年歲在乙丑七月旣望通議大夫南京吏部左侍郎蕭山魏驥仲房序

豐乘序

古者入國問俗非徒以博聞見資游談周旋人情世故而已也君子將有志於經世焉俗奢則示之以儉俗儉則示之以禮此其大都也孔子適衛見其民庶則思富而教之謂齊可使變魯謂魯可使至道其他所之之邦必聞其政至於父母之國則尤用情哀公志欲加賦有子篤信師說者勸以盍徹季康子患盜欲殺無道以就有道仲尼則教以無欲而樹風至於其君或用田賦或作臺門或游觀盟會必謹書特書不一書誠有意乎變而易之以庶幾文武周公之盛也故曰吾豈匏瓜也哉焉能繫而不食蓋聖賢家國天下之志如此我明之有

豐城縣志

卷之首

舊序

八

天下制倣成周小大之政括以憲綱詳以會典斯亦文武周公建官分職樹大夫師長納民軌物之意也歲久治極蠱蠹日滋而其患通乎天下余讀李太史豐乘而重有感焉夫豐之俗考前書舊志若阮會二子所稱紀嘗美矣賢人君子之生蓋庶矣而又多先民徃哲之治宜蒸蒸向治而風俗日敝至民數版圖田畝賦稅益詭以耗殆不可詰則胡以言理迺溝渠坊陂尤民生衣食大計而皆闕而不講余甚病之比嘗與諸監司議乘令尹新政以相從事於方田覈賦而未皇也乃今太史具言之蓋有意乎其經之矣而他日獻替調燮之略不亦

居可識耶志爲紀一表五志八傳五其體古而則其文雅而馴其事典而核蓋星野疆域營建食貨祠祀人文三才之道畢茲矣太史公自各有序足徵覽而屬予爲弁其端予重有感于古賢聖仁人之業於今爲急將與良令長交勗云爾嘉靖癸亥欽差巡撫江西等處地方兼理軍務兵部右侍郎兼都察院右僉都御史胡松撰

豐乘序

余奉天子命按部豫章至劍江求龍阿故墟胝張雷所稱光耀之氣見於斗牛間宛然未散豈寶鏐之精猶若是夫其無亦人文之盛珠駢繡錯賁靈騰祥之故與比

豐城縣志

卷之首

舊序

九

索邑志闕之則自宋元迄國初熙宣之間皆邑人王熊二三君所傳正統以後則今太史文麓李公所續是爲豐乘邑令宗子宏暹旣梓以傳因以請余弁其端余讀秩官人物諸傳山川溝洫諸志體式典則辭華古雅熙宣以前悉加斧藻而宦蹟鄉哲泉流原隰班班可考卽以賢人君子忠孝節概之事論之或彊禦而不畏或獨行而端方或留詠於儒林或發伏於逆藩或昌明乎聖學或剴論乎權奸或曲順乎母心或就義於施園浩氣英風足與金嶺羅峰龍湫花潭爭高論長矣其他又不勝殫述焉故凡舉章縫薦紳之美巨宗著姓之富名山

濬川之麗田賦庸調之多人無論遠近必曰豐城云昔子安敘洪都亟稱物華天寶人傑地靈之勝豐隸於南昌故郡也文物呈茂從古若茲夫雖然公是非而昭鑒戒修史者之意也乘以紀盛亦以垂訓振舉軌範其機又在大夫師長有官守者責耳敦本實崇清約敷勸相修舉職業庸臻治理而慎固封守裒益圖稅諸務又各以時舉焉俾後之續乘者將大書特書是予重有望耳昔文王作豐肇蒼姬八百之籙風人美之曰豐水東注維禹之績四方攸同皇王維辟溯其所以善豐者則講學行禮綱紀作人科條炳炳以表率開導之源在上不

豐城縣志

卷之首

舊序

十

在下也故邑之媿否視令郡視守省視監司然最親民則莫如令矣予忝觀風茲土故於序也求與良令長交勗庶史氏之作非託諸空言將與風人之歌並美也豈不偉與豈不偉與嘉靖癸亥賜進士文林郎巡按江西監察御史莆陽陳志撰

豐乘序

豐乘十卷豐之舊章備載是已曰紀曰表曰志曰傳體不同而同主於載故統之曰乘夫諸體昉諸太史氏豐固邑爾曷昉焉是亦外史之所掌予不敢忘也自外史之職廢而四方之政不足徵已豐幸有先哲能世修之

王順伯作豐水志宋事足徵已李肖翁作續豐水志元
事足徵已正統間熊用學復作續志而國初事足徵已
由正統迄今百餘年矣政俗之升降圖籍之登耗文物
之繁殷非其舊矣不有續也後曷稽焉乘之作不可已
也貴方除服王侯天誥檄修邑乘且致撫院胡公按院
陳公及韓文宗公之命予以鉛槧久荒三辭焉不獲乃
罄其愚同諸文學蒐輯舊章彙爲豐乘書成宗侯晉甫
實代之上其牒於諸公僉命梓之而胡公加惠鼎言以
弁諸端顧惟體要失典辭采失工有大慚焉聊以志邑
之事則可矣若夫信今而傳後以俟大方君子云嘉靖

豐城縣志

卷之首

舊序

十一

癸亥仲春之吉邑人李貴識

豐乘序

夫志以紀事者也古昔惟國有史漢撰作風俗而郡邑
始自爲志國家一統志備矣而省府州邑亦各因其所
轄而志之其間纖悉備舉而國史實有賴焉嗟乎志誠
不可廢矣江右以文獻甲天下而豐城爲著舊有志蓋
英宗朝大叅熊用學氏所修者今百年弗續矣猷之被
命於豐也輒首志事而當閩廣叛兵震動江省繼而永
泰樟鎮巨寇壓境益之以城役加之以水澇患難勞苦
與民共之蓋不能以竟日休焉迺其心固未始須臾

也間謀諸太史李浣所曰昔孔子作春秋明王之大法而其文則固魯史之舊蓋魯孔子所生之國也朱子守南康輒考郡志固爲政者之先務也猷雖不敢自附於朱而公史官也例得以專紀載之事乃邑志缺焉豈孔子本魯史以作春秋之意乎太史氏曰此吾與君責也於是殫精竭思詢今考古而復召邑庠學行之優者萬生化徐生正之余生世範高生杏相與讐校而訂之書且垂成而猷有武昌之命矣乃太史則益自綜輯旣脫稿而使使入楚以問於猷展卷而嘆曰豐城當益有光乎夫以杞宋不足徵夏商之禮而齊魯二大臣史乃失

豐城縣志

卷之首

舊序

十二

其姓名君子不無憾焉何則文獻不足故也豐志之不修也百年矣中間事逸人亡寧無不足徵者乎又豐故多賢能無失其姓名如齊魯之大臣者乎是書作而文獻存矣故曰豐城當益有光也今披志而觀之體昉諸史而義折諸經故考沿革則感興亡觀封爵則思報効論風俗者痛時勢之殊稽食貨者求盈縮之故迨夫名宦人物各有列傳則仕其地而生其鄉者又寧不惕然懼而翻然省哉君子亦可以觀政矣昔豐城寶劍精氣徹天然非張氏莫之知非雷煥氏莫之顯乃今名公巨卿布列朝著寅亮天工秉禮詰戎讞獄侍從動皆可爲

世法而宣猷陳力含英毓秀者又日升而川至其發山川之精光固不啻寶劍已也而又得太史氏表章之吾知其益顯於世矣則猷之獲與茲舉也亦與有榮哉志凡三帙爲紀者一爲表者五爲志者八總十卷名之曰豐乘就館於壬戌之秋八月旣望卽冬而竣事嘉靖癸亥賜進士第奉直大夫武昌府同知前豐城令晉江王徽猷書

續豐乘跋

豐之乘昔底事於肅廟時壬戌秋旣今三十餘授歷矣于間秩授文物登序僥良得而嗣新者不一種顧殘簡

豐城縣志

卷之首

舊序

十三

毀蠹卽原簡亦散其五十餘筴於更代之先每爾披對三自拊掌謂中經之續將委之誰今幸省大志更修於臺司諸名筆下檄郡邑采訪類具以詳而文也非五勝其才曷貂足爲以遽自品評於濛汜之次哉僅僅指舊本而補鈐之再爲全書云他則槩以屬之二三弟子員萬生續夏生樞丁生燿徐生鎮高生臣勳據所聞爲報別爲一帙良以證殊題介朱紫炯然陽秋又自有在也而念固不敢後矣用跋之末簡萬歷歲在辛卯一陽月之候知豐城縣事句吳韓文謹跋

豐城縣志舊序

余自奉

命撫茲江右敷政宣教歷有五年而復有督江之

命江右夙稱文獻鉅邦凡一十三郡屬之紀載有關治理可
取信於今日以示來茲者余例得廣搜而博覽之寧止
區區一邑而已哉雖然例得而覽之不止區區一邑之
紀載倘一邑之紀載闕略而不修其能已于廣搜博覽
之懷乎若夫豐域名邑也自晉武帝大康元年而得名
至雷煥令豐城得古劍於其地而邑之名于是乎大著
蓋有一邑必有一志邑之有志凡一邑之內事無不集
欲其可徵而可信可久而可傳也上自天文下自地理

豐城縣志

卷之首

舊序

十四

以及古蹟相沿人事興廢種種備具按籍而求班班眉
列是前此之志今之取信者繫焉今之有志而後此之
取信者亦莫不繫焉豐邑之志自明時萬歷辛卯以迄
于今七十年餘盡爲廢闕然皆滄桑變更陵谷遷換兵
燹之後繼以凶荒我

皇清御宇念載以來深仁渥澤遐邇蒙庥而江右之水旱頻
仍厄運難挽官茲屬邑者牧民治賦水陸供億勒掌爲
勞莫遑或處邑志闕略不獨一豐邑爲然也卽一豐邑
事劇賦繁較他邑倍難任非有理繁治劇之才鮮克勝
任而愉快安望其政務之外搜羅典故參酌見聞而令

數十年中絕之邑志一旦爲之重修乎茲蓋難言之矣
以故斯邑之志闕焉而未修也嚴瀨何君士錦以進士
釋褐來令是邑其時首重催科兼其邑之賦額倍廣積
逋獨多何令具有明敏之才催科不擾乃有餘游慨然
有志深念邑志之未修又恐修之之有未備也於是稽
之舊府采之輿論毅然有纂修之舉上其事於余余曰
邑之志是不可以不修也若不志其星野何以知龍光
之氣上接乎斗牛若不志其疆域何以知春秋之季遞
更乎吳楚若不志其封爵職官何以知

朝廷之上垂有功而任有能若不志其勲封恩廕何以知

豐城縣志

卷之首

舊序

十五

公忠之士光乎前而裕乎後若不志其鄉飲善類何以
知從來之碩德可尊懿行堪錄若不志其山川風俗何
以知境內之氣脉鍾靈儉勤罔斃若不志其營建何以
知城郭津梁頽圯之有自修舉之爲勞若不志其祀典
何以知宮廟祠宇俎豆之有由對越之如在若科名之
不志何以知時異世殊選士遴才如一轍若人物之不
志何以知鴻儒偉彥比肩接踵有同符若節孝之不志
何以知忠君愛親之心異代而油然以生若藝文之不
志何以知嘉言格語之類易世而煥然以傳若微而物
產之不志何以知天覆地載之廣亘古而秩然無窮然

而不特此也如戶口之有消長若不有以志之何以知盛衰之所由始愛養殘虐之所由分如田賦之有盈詘若不有以志之何以知疆土之高下課納之科條而租庸之所由出種種宜志書不勝書何令刪繁就簡尚質略文有今日之志而前此之志可以曉然於是邦之後世而後此之志又可繼今日之志而今日之志亦可曉然于是邦之後世也是志之修非爲一時而修實繼前此而修併今後之徵文考獻得以踵事增華越千百年屢纂屢修皆取法乎此而又遞傳乎此愈久而愈足信也故志有關不可以不修况明之萬歷以迄於今七十

餘年之間其所以廢墜者不知凡幾而可以略焉而不修乎纂修之舉誠不可以已也何令政務之暇志書有成是亦具吏才而兼史職者江右屬員之中豈能多觀也乎哉余於是樂爲之序以風勵乎屬邑之未能修乎志者若謂因區區一邑之志而爲之序焉則又非余序此志之意也康熙三年歲次甲辰季冬月之上浣總督江西兵部尚書三韓張朝璘撰

豐城縣志舊序

豐邑前此有志乎曰有有則曷爲乎修之此何令取法乎述也豐志前此有名乎曰有有則曷爲易彼前名此

何令述而兼作也前志名豐乘者何邑人李浣所先生
于明嘉靖間上纂前志備諸紀載迄今百餘年所時異
勢殊不無有望於後之作者何君以博洽循良興廢舉
墜刪葺而更新之其事近述其實一本於作也書成廣
索弁言而及於予且以成書見貺予莊誦元序見我總
督張公所著其核論山川土田風俗人物炳炳烺烺光
史冊而壽金石蓋張公由撫軍西江尚

帝簡特開督府與我撫憲董公悉皆駿業鴻文爲寰區所瞻
仰迺董公暨二三同寅諸君亦未聞以序授劄予則
何敢言文何令必再索弗已予雖弗文誼弗容辭但念

豐城縣志

卷之首

舊序

十七

予以春秋起家由作李而代

狩以至車塵帆影遍歷邊陲今秉臬西江無一不本春秋
賞罰以行之何獨豐邑何獨豐邑之志區區用予序爲
哉徧覽豐志見其分爲志者十有四爲傳者惟七爲別
志者惟一條分而縷晰綱貫而目張仰觀天文俯察地
紀而中備乎人事美惡存焉鑒戒寓焉志者志也孔子
曰我志在春秋又曰其義則某竊取之矣推此志也何
莫非春秋以補詩亡之不及乎予獨怪雷孔章以邑宰
兼精星緯能識雙劍於狂狷之中至今稱爲美談予則
儼然叨憲茲土其能使貫索氛銷櫓槍氣熄俎凡有司

百執悉體斯志則寇賊不興訟獄衰止禎祥之瑞上燭
乎天雖雙龍久躍延津而九鳳復籜竹里物華天寶蔚
蔚蒸蒸將見光射斗牛者僅張雷之物色已哉後之作
者覽豐志而悟是非賞罰與春秋相表裏當不止作豐
志觀可也予敢不揣謹厠諸公後塵若云能文則予豈
敢江西按察使司按察使瀛海蘇銑撰

豐城縣志舊序

歲癸卯予承乏江右典漕事兢兢率屬奉公修廢補弊
冀少裨益于民生國計以無殊厥官雖雅頌物華天寶
之章而網羅舊聞猶未遑也適豐令何君修邑志成書

豐城縣志

卷之首

舊序

十八

而請余序展卷則制臺張公弁其端其於紀載之關係
纂修之賢勞詳哉其言之矣余不敏何能贊一辭雖然
禹貢任土成賦而周禮小史外史所掌則其土之山川
人物與夫因草風俗之殊也吏茲土而采風以獻且以
余之未遑者踵前志而爲之是烏可以無述焉古稱王
道之要本乎人情宜乎土俗其大者昭示於詩書之文
而其詳則散見於郡邑之志此古之人主所以不出戶
庭而周知天下之故也特以世非承平仕非優暇上操
下如束濕薪而下應上亦惟簿書期會是急又遑咨故
老按圖籍高論繩墨之外乎今

國家生聚教訓二十年矣而又當

聖神英敏四方無事捧版圖以求隸於大司徒者盡海內外
故鎮撫諸大臣承流宣化振興文治使賢守宰得出其
心力以馳驅古作者之林將敷陳王會潤色鴻業其在
於此獨豐邑也乎哉予謂是乃可以志矣文章之道與
政事通典謨誥誓昭昭矣易之志物象也而事在近取
詩之志正變也而事歸勸懲春秋之志災祥也而事貴
修省載道存乎文行道存乎質一文一質王者承天之
制具焉制也者志也然則新是志也而舉所當修復者
幾何地當振捩者幾何人當釐革者幾何事與之去故

豐城縣志

卷之首

舊序

十九

與之更始則斯志不獨爲文吏之守而王道備矣由是
以尊主庇民興道致治使

朝廷收實言實行之效而草野無披文相質之疑文所志
也質所以志也所以志者不傳而僅傳所志豈吾君吾
相之心哉又豈何君之心哉予故於是志之成有幸而
又於新是志者有望焉後之觀覽者不徒瞻斗間劍氣
而以爲職方氏一郡一邑之書則予之志云爾督理江
西稅糧布政司叅政薛聯桂撰

豐城縣志舊序

世有今古治道同揆其所恃以爲徵信者國史以外則

有郡邑之志志豈稗官家流哉蓋輔正史而行遠者也
大之如辨方正俗可參於禹貢國風而丁庸物產織屑
畢陳亦進與溝洫食貨諸篇並顯經世之用至於時代
遷流新故嬗續則前者創始之烈與後人補葺之勤能
事亦相等焉予自辛丑秋出守南昌身歷文獻之邦每
懷靡及時以修舉殘缺望諸屬邑之賢有司適豐城令
何君晝生出其所輯新志貺予而深有當於予心也豐
之有志自南宋寶慶以迄於明茂宰碩儒代擅著作嘉
靖時出豐乘一編始稱大備然自萬歷辛卯重訂及今
又七十餘年矣其間生齒之消長財賦之盈縮風習之

豐城縣志

卷之首

舊序

二十

污隆不知去古何等苟非得通達治體之才爲之蒐羅
逸事斟酌時宜以繼夫前書之後將文獻中絕後來奚
觀此何君怒然於中而新志所爲作也然而上下古今
取裁匪易間嘗論前代著述之士所在稱雄而究夫志
之可傳僅推許州武功數帙號爲大雅其他非野則夸
雖克棟連牀亦奚足貴若夫何君之書規模豐乘締以
心裁彬彬乎質有其文詳而不濩洵撰述之良矣何君
治豐數年凡夫革故取新悉本乎明體適用之學其最
著者如均徭定賦繕埤濬隍建學宮理書院以及修築
堤堰水不爲沴從前之美無弗復弊無弗更治行卓然

一時獨以撰述見能云爾哉抑予聞之君子立言非獨自明所學而已亦期與後世共由斯道以底於寡過也何君著書之旨有舊政必告之盛心焉况乎一方之事可推諸天下已成之效可券於將來由此坦步

廟堂左右

天子以筦持天下之政則其謀斷先資取之是書無不足矣昔周朱兩夫子以曠代大儒皆從豫章之州縣奮跡而愷弟爲懷澤及百世至今尸祝不衰古之經世有本者其食報不爽如此予願何君之更有進於斯焉聊爲引數言以附諸先生之後布政司叅議分守南瑞道栗陽

豐城縣志

卷之首

序

二十一

宋之繩序

豐城縣志舊序

邑之有志也亦猶古國風遺意也凡一邑內事靡不備載而大利大害爲邦本民命所繫者則尤三致意焉故是非賞罰之權略與史異而勸懲美惡之旨實與史同是以史爲信史志亦爲信志不可誣也粵稽所始自漢儒撰風俗地理諸編而郡國因之以至巘疆小邑罔不詳紀事跡網羅舊聞各成一書以待作史者之採擇論定焉而况寶氣所鍾人文攸萃於豫章稱爲鉅邑如吾豐者顧令數十年間聞見湮沒俾後有作者考古徵今

致憾於荒殘莫考則亦孰從而傳其信以垂不朽哉邑
侯何君蒞茲土凡六載邦本民命兢兢不去於懷而竊
慮夫文獻缺略考鏡無自於是政事之餘兼優古學毅
然以修明爲己任維時請之諸上臺而鴻文典冊弁冕
牘端謀之諸士大夫而博識鴻材簪筆研討煌煌乎稱
盛事矣上以繼往下以開來作述之義均於是乎備焉
然予聞志者志也一邑之事具備而修明者之志不彰
共謂之何是以邑之分星配野古志之今亦志之無異
邑之城郭山川古志之今亦志之無異科名之著望古
盛而今尤盛焉藝文之繁富古略而今尤詳焉孝節逸
行之竒蹤古有大書特書而今且不一書焉質文並茂
典則昭垂然而志不僅在此也豐所最患惟水春漲橫
發以一城當五郡之衝幾虞傾覆次則田賦差徭較他
邑爲倍時異勢殊能保幹止如故乎斯二者豐之大利
大害也何以堅其防而鞏其居何以甦其困而樂其業
此在今日之治是邑與居是邑者固已朝夕補救克底
輯寧而更欲後之治是邑與居是邑者相與似續圖維
以迄於無窮是則此書之志也夫若乃今之以言見志
者如是後之以意逆志者不復如是則是以民命邦本
所繫而僅同於邑之奇觀勝蹟揚厲鋪張以博傳信耳

夫豈修明者之盛心耶祛弊除害革故鼎新讀是志也
可以興矣嗟乎豈獨一邑之志爲然哉郡人謚名臣撰

豐城縣志舊序

古之爲國志者權輿於禹貢及周禮之職方乃經之裔
史之翼也班孟堅因之作漢地理志其後代郡自爲紀
邑自爲載皆名之曰志然志亦取其賾而不謀質而可
稽條分焉而有典要如山川人物節義文章例宜並載
臚列成編真有揭曦曜而不刊垂琬琰而不朽者矣錦
於著靡闕茂之良月飛鳧劍水以樛材而叨花治者五
載於茲矣稔知豐之置縣始於後漢曰富城而豐城之

豐城縣志

卷之首

舊序

二十三

名實始於晉以地有豐富三水故名焉原富城在富水
之西其雷孔章獲劍處又在豐水之西自唐永徽始遷
於今之豐城乃在章水之東也大江遶其後二水滙於
前衆山環朝勢若星拱澤媚山輝山川之秀指不勝屈
地靈人傑人物之異代不乏人錦固拙於催科勞於撫
字從退食時考厥舊志自明萬歷辛卯迄今七十餘年
矣闕文之憾不僅在魚魯亥豕間也修志之責時亟於
衷不敢自專乃備文申請各上臺俱沐允詳且示嘉與
鼓舞之意但志關一邑風教泥於獨則慮管窺之難以
測海稽於衆則又慮築舍之湑於道旁爰同薦紳名碩

暨文學之士廣蒐焉嚴覈焉蒐羅貴廣者勿致遺珠於海也考覈貴嚴者勿致溷玉於石也星野疆域以及歷朝封爵大都率由舊章而更加詳備焉至於官階有志科第封廕有志山川風俗營建賦役有志學校秩祀溝洫物產藝文有志庶幾燦若列眉判如指掌也且職官有傳人物有傳逸行節孝仙釋有傳使百世而下讀其書如見其人尤有別志以存遺逸人瑞天庥種種備載庶幾稱完書矣乎而亦蹟而不裨質而可稽條分焉而有典要也此書之成雖以紀盛亦以垂訓豈徒以存文獻而已哉蓋欲後之覽者觀感而有所興起云爾但錦

豐城縣志

卷之首

舊序

二十四

菲才末學自媿露不廣海塵不增山實藉諸公之力告竣於上臺迺荷頒發鴻篇爲志冠冕如龍文鳳采玉韻金聲垂千載而同日星之煥焉至於謬膺獎譽則又惶悚而不敢當者矣康熙三年甲辰歲中秋月豐城縣知縣富春何士錦撰

豐城縣志舊序

今國家肇造方隆

皇風遐暨舉百度而新之炳炳麟麟蔚然盛矣層累而下爲郡爲州爲邑莫不有陳風貢俗獻數上國之義焉志惡可以忽乎哉粵稽宋元以來志豐城者亡慮數家雖言

人人殊總之不越詳慎者近是明萬歷辛卯而後載筆
湮蕪中更兵燹舊聞放失識者憂之憂夫後之爲治與
待治者無所考衷而取信也歲壬寅爲

今上龍飛之首歲使君東澗何侯蒞茲土幾三載餘矣當游
刃之暇毅然謀取邑志而重修之上其事於督撫兩臺
暨藩臬道府廳各上臺具得允行侯乃以偉裁抒其淵
識徵文獻於邑人士謬及予予辭弗獲因從陸君履敬
丁君序珙李君肇陞李生予璋羅生人文胡生學浹丁
生靈長蔣生鄉諸君子之後叅佐末議盛舉哉亦鉅任
哉予惟郡邑之有志國之有史一也而義例少異史以

豐城縣志

卷之首

舊序

二十五

垂百王之典大要在於正是非昭法戒故例儉而義嚴
志以備一方之紀載大約考分星辨封井山川之勝於
是乎在人物之奇勲名之炳於是乎傳城池道里祠宇
津梁之修廢於是乎書民風吏治之奢儉煩簡於是乎
寄藝文之富於是乎存故例博而義詳志之所以微別
於史也又若學校以興民賢隄防以固民命逸行之違
羣而表愨節孝之勵俗而維風我何侯皆欲旁搜而廣
記之於以宏訓保治章潛德發幽光此其義例直與國
之修史者等重矣哉昔李吉甫著元和郡國志謂持此
可以治天下志之爲道實與治通由來尚矣曩晞暘范

公來守豫章適巨浸殺稼方圖徼惠以佐歲而故府無
可考遂馳書洪陽兩溪諸先生取闔郡圖志編輯焉他
日抗疏台垣筦籌大部舉桐鄉之風土謠俗利弊羸詘
輕重布之瞭如指掌咸於此志乎得之不誠重矣哉抑
予尤有感焉豐邑土瘠民勞物無異產百餘年來戶口
能無耗乎租稅能無逋乎丁壯之棄產而逃者能如往
昔之戶安井里家服先疇乎問其故則曰條漕之積困
也差役之倍煩也考宋額稅苗米止叁萬伍千叁拾石
有奇後至拾貳萬貳千柒百石有奇矣宋額圖差止壹
百柒拾里有奇後至三百陸拾里有奇矣凡茲類者不

豐城縣志

卷之首

舊序

二十六

有志也孰從而稽之是邑志之修良有關於國計民生
之大俾後之爲治與待治者有所考衷而取信焉不滋
重矣哉是役也局有專所貴一也叙述有加嚴昭遺直
也體裁次第多依豐乘示不敢專也譌者訂而闕者因
存疑而示慎也各上臺不續嘉謨未能殫紀者以上有
郡志有通志也署篆不列職官者以尊朝選兼政蹟原
有專見也詩文無關於地方名勝者不錄凡以重豐也
操觚於壬寅之夏竣事於癸卯之秋刻本不無一二見
者而終於甲辰冬月所訂爲傳書求詳且備兼以時久
而論益定也卷帙旣正爰奉總督張公頒發瑤篇冠之

志首雲漢天章鴻猷星燦而各上臺並錫嘉言揚載其
盛稱百年良會矣至二三人士區區嚴慎之求愧不能
少效高深之助云邑人余配元謹序

豐城縣志舊跋

豐城有志舊矣宋曰豐水志王順伯之所纂也元曰續
豐水志李肖翁之所纂也明正統續志大叅熊用學之
所纂也嘉靖豐乘十卷太史李文麓之所纂也始或略
而未詳繼或詳而未備綱舉目張體裁獨得其豐乘乎
然足以信當時傳後世者莫不各有在也今百年弗續
矣幸

豐城縣志

卷之首

舊跋

二十七

皇清定鼎百度維新矧志在邑猶國有史稱鉅典哉我富春
何侯器識端凝學問淵博治豐五載美政備舉游刃之
餘遂毅然以修輯爲己任上其事於各上臺皆報可於
是諏吉開館徵文考獻闕者補之散者集之疑者存之
譌者正之編卷十二分類二十零星者以附見凡歷歲
一週而書成庶幾哉詳而不略備而有體稱集大成矣
雖然班馬之文能無異同與仁孝之情能盡周與至德
純行豈無如吳泰伯其人雖欲稱之烏得而稱之者與
惟侯之言曰廣蒐焉勿致遺珠於海嚴覈焉勿致瀾玉
於石其與前數君子之心所謂足以信今傳後者當曠

代如相見也侯今當奏最之期行將膺異數超擢文章
事業彪炳中外而治豐修志特其先見者耳敬自慚荒
陋謬附貂續緣得述其原委以告後之作者若高深之
助則曷能竭其萬一云邑人陸履敬謹識

豐城縣志舊序

豐城之志凡六宋豐水志元豐水續志明正統間馬湖
志嘉靖間豐乘萬歷間續豐乘俱久燬無存其存者康
熙三年志耳迄今近九十年未之續歲庚午兩江制憲
黃公檄下諸郡邑修志余適自瑞金調任茲土輒念志
者上資採風下裨吏治雖一邑事固經世之書也非獲

豐城縣志

卷之首

舊序

二十八

博雅君子未足與謀爾時方惴惴焉難之居既久乃知
羅峯金嶺之勝翠酒千行花潭龍湫之奇碧搖萬頃其
間噴薄淖瀾鍾萃蒸變當有含今茹古騰茂蜚英其人
如曩昔之方家作者無俟越境借才自足爲徵文考獻
之藉越明年辛未暮春以禮延邑名宿唐君光雲及甘
君紱涂君叢桂李生吐萼李生渭周生書夏生榮蓮熊
生承運開館而屬筆焉猶計續自康熙三年以後而前
此可無費詞已而登堂投牘者日紛然遂至叩其所執
多以補缺訂謔爲言爰取前志按之良然夫一行通顯
繫跡河山隻字流傳等聲金石碧草青燐之臧魯魚帝

虎之差烏容置而不論矧我

朝百餘年來重熙累洽文教崇隆仁風浩蕩事事遠軼前
模實普天所共戴而豐城地廣賦繁水患孔棘屢叨
皇恩減免浮額增建石堤尤拜有加無已之賜其他因革舉
廢不勝枚舉設非窮原竟委條敷縷陳將後先異同分
途岐出曷以較然畫一展卷而昭於列眉此續志者轉
而重修前志豈得已哉於是提挈綱領區分義例唐君
主之各抒所長求詳且備諸君任之而相與裁是非酌
可否余雖謏陋亦不敢辭顧余聞之君子之著書也有
心於勸戒而無意於好惡然後可以施當今傳來裔而

豐城縣志

卷之首

舊序

二十九

况於志乎是志閱歲一週授梓竣事得書二十二卷自
天文輿地以迄賢達文物類皆本諸列朝史傳當代典
要省郡三志或採之別郡宦蹟與家乘行狀一切名流
文集非有攄臆尋問以圖別張一幟者也且非有徇意
行私不可以盟幽獨對鬼神者也昔者宋敏求撰河南
志以韋述西京記爲未備演之爲長安河南志司馬溫
公爲之序以爲較之韋記其詳不啻十倍開編燦然如
指諸掌真博物之書余不能必是志得如司馬溫公所
稱道否惟是廣蒐羅嚴考核缺者補譌者訂今昔異制
者一一而釐定則是志也非獨康熙三年後特以傳信

卽宋元明以來諸志亦因之而成完書矣夫莫前弗彰
莫後弗傳作者述者勞固相埒余幸生

聖明休暇之世又賴各上憲多方整率加惠激揚獲從簿書
期會之餘與諸君子商榷補綴而報厥成奚敢言功聊
欲明其意於通邑人士與後來文吏留心經世之書者
有以知是志之良費匠心焉故撮顛末而序其首云乾
隆十七年端午日知豐城縣事長白滿岱書

豐城縣志舊跋

國有史邑有志家有譜等重也而志者史之所採譜之
所徵則所係較重且志者詳史之所略略譜之所詳而

豐城縣志

卷之首

舊跋

二十一

稍涉於文類史稍近於俚類譜斟酌於史與譜之間則
載筆愈難居恒閱各邑志而竊歎體裁之得之不多見
毋亦身其事者或情面之徇易牽於私又或意氣之逞
難免於鄙乎柳子厚云叅之太史以著其潔夫潔之一
字著書類然尤莫切於修志倘修志而不潔其心思以
潔其筆墨其何以博而不濫刻而無遺耶長白滿侯由
瑞金調蒞吾豐潔己愛民早孚於上下庚午之秋奉督
憲黃公修志之檄爰集邑士夫謀曰以政體言之修志
宜先以豐之事勢言之修隄爲急權緩急審後先吾其
修隄于冬修志于春也可閱明年春暮俟復謂余曰修

隄修志相爲始終修隄令之責修志非鄉先生責乎聞
見確而是非公惟君領之余辭不獲命乃隨余師甘公
暨同局諸君仰體滿侯詳慎之意以從事於其間別類
分門發凡起例不惟後者續而且前者修焉又與諸君
約志不越乎土地人民政事而何以免鈔胥之譏而何
以免濫觴之誚是必錄及纖瑣不入鄙俚叅以議論不
同浮文悉根於大公無我之懷凡徇情面而逞意氣更
凜然鬼神左右之也稿三易猶未敢定輒取裁於滿侯
侯輒色喜謬以范蔚宗體大思深相况夫其才其學余
於王順伯李肖翁熊用學李浣所陸止敬諸先輩未能

豐城縣志

卷之首

舊跋

三十一

爲役而稽之史冊質之譜乘採之傳記於以補前人之
漏訂前人之訛余亦不敢過自菲薄也其博而不濫刻
而無遺庶有當於潔之一字而爲史與譜之所資乎若
與前志不無牴牾之處並非獨行其是不過存古今人
之共是爾是書也非滿侯之集思廣益不及此非諸君
之潔清自好不及此余竊幸藉是得告厥成如以爲功
奚其敢奚其敢邑人唐光雲謹識

豐城縣志舊序

志乘之道昉自周禮職方氏掌天下之圖而邦國四方則以小史外史別之迨班孟堅作漢地理志後代郡自爲紀邑自爲載猶國有史家有譜也然是非賞罰之權畧與史異而勸懲善惡之旨實與史同志豈稗官家流云乎哉舉凡星野沿革山川河渠疆域建置學校風俗人物民賦祠祀封爵職官各宦選舉節義藝文仙釋方技烈女等莫不登載一以紀盛亦以垂訓也而况豫章爲江右會府豐邑爲壯哉縣章縫薦紳之美巨室著姓之富田賦庸調之多必推豐邑爲最其縣乃洪都壯邑

豐城縣志

卷之首

舊序

三十二

厥水維豐池山躍龍芙蓉浴日寶劍精映斗牛非張氏莫之知非雷氏莫之顯其志始于後漢曰富城而豐之名實始于晉宋曰豐水志王順伯著元曰續豐水志李肖翁成以及前明正統嘉靖萬厯間所纂豐乘俱久燬無存迄

本朝康熙三年陸履敬作之乾隆十七年唐光雲修之其間名公巨卿秉禮詰戎宣猷陳力含英毓秀日升而川至者固不乏人但越今五十餘年正恐文獻不足則不徵不信不信不傳卽傳亦不久耳倘非昌明乎聖學剴論乎權奸補前人之漏訂前人之訛搜羅典故參酌見

聞條分縷晰綱貫目張將來事逸人亡廢墜者不知凡
幾謂可畧焉而不修修焉而不詳乎嘉慶丙寅豐邑諸
友倡舉

文廟考棚學田埤隍議以事勢言之修堤爲急以政體言
之修志爲先搽觚于丁卯開館屬筆竣事于戊辰鐫刻
成書是歲余奉

命查勘南河

恩予歸省鄉先生等請序于余余迫于行弗克詳覈適吾叔
若齋主講龍山先後十餘年于風土人情聞之備悉余
得聞所聞以撮顛末而弁其端

豐城縣志

卷之四

舊序

三十三

賜進士及第

誥授光祿大夫

經筵日講起居注官太子少保協辦大學士戶部尚書兼翰
林院掌院學士 文淵閣直閣事南書房供奉軍機大
臣世襲雲騎尉加五級隨帶加一級戴衢亨撰

豐城縣志舊序

古者輶軒之使採風問俗不遺鄉邑矧豐城北連章水
東接洪都人傑地靈物華天寶固西江之奧區南昌之
巨邑也哉余自仲夏承乏茲土卽擬考其山川按其圖
記以詢風土而厚風俗乃以

聖天子軫念民瘼勤慎庶獄

特命各直省清釐積案故

中丞於各郡縣詞訟尤兢兢焉余以菲材忝邀

憲眷時留省會剖決他邑疑難訟獄半載以來席不暇煖而於本邑圖志轉未暇詳倘所謂有志未逮者非耶茲於重九之前二日甫自省旋署適邑紳以續修縣志呈請稽核查本邑志書自乾隆十七年重修後距今五十餘年歷時既久而又於四十五年奉前府憲吊取板片發回時遭風漂失迄今又廿六年不早爲修纂將歷代之制度典章人物藝苑蕩然無存後之蒞茲土者漠

豐城縣志

卷之首

舊序

三十四

然徒見山高而水清咎問其事而文獻無徵可不惜歟茲幸諸紳士旁搜博採續舊增新煥然成帙洵足以繼述夫往古傳述於將來矣考之周禮小史掌邦國之志外史掌四方之志故人情風土至今可稽斯志也成於羅明府毛外翰丁學博楊明經諸公之手擇焉必精語焉必詳吾知羅峰金嶺之勝劍水龍澤之奇人以地傳亦地以人傳當與職方氏之小史外史並垂不朽豈不偉歟是爲序

例授奉政大夫候補同知知豐城縣事鄭塏撰

豐城縣志舊序

周禮邦國之志以小史外史領之蓋輶軒下採則太史
陳詩以觀民風負版上貢則邦國圖籍之獻於王者也
故郡邑皆得有志豐於豫章爲繁劇邑地大物博文獻
之淵藪也往時如王順伯之豐水志李肖翁之豐水續
志熊叅政觀之馬湖志李太史貴之豐乘雖未見其全
編然遺文逸事典型存焉

本朝

文教誕敷邦典世守一修於康熙三年再修於乾隆十七年
固彬彬其大備矣距今五十餘年有司失守版片無存
苟文獻無徵固居是邦生斯土者之責也丙寅歲沁水

豐城縣志

卷之首

舊序

三十五

竇太史來宰是邑慨然有意是舉以憂去弗果行靖海
朱公繼之亟召紳耆集議且并重修 學宮而兼籌焉

自夏徂秋未有定議是時 駿 遊幕粵東未歸也遲回者

久之秋間 駿 自粵歸朱邑侯召至署以大義責之 駿 自

揣綿力弗勝任恐隕越以貽士夫羞第重以邑父母命
謝弗得迺以是年十月偕同輩開局甫定章程而朱邑
侯又以他案註吏議矣幸而御史台慎簡賢能鄭司馬
以宰吾豐下車則舉是二者而振作之由是費不勸而
自輸工不督而自奮綱舉目張志成有日而各工亦舉
矣昔江文通曰修史莫難於志誠以志者憲章所係非

老於掌故者不能况駿以餽釘末學而欲網羅前代動形捉襟肘見之弊余滋愧矣然是志也是非之公當事主之其取正體例採訪舊聞惟日與同局諸君子斤斤焉矢公矢慎悉心講求質之古人之書而參以己意初未嘗與古異也語云閉門造車出而合轍體不同而表章前人之意則同如曰與前志異也烏乎敢嘉慶十三年歲次戊辰孟春月邑人丁猷駿撰

豐城縣志舊跋

前人謂志與史相表裏其視史差易者三而其陋有五蓋書約則易殫地狹則易稽人近則易辨非如史之爲

豐城縣志

卷之四

舊序

三十六

書掌之太史修於異代善惡紛呈褒譏互見書成奏定流播海隅權貴不能匿其世奸子孫不能諱其祖父於戲嚴矣若夫郡邑志乘官非左董義爽筆削頌長吏則諛傳先達則誇紀名勝則傳會撫文辭則浮蕪論星野沿革則淆混書取速成事多踏駁甚且論符衆口一人矯喙板藏於室改竄潛加無他牽制之患中於心回惑之情形於外藉非有道能文周咨獨斷平情折衷其是非鮮不謬於聖賢此擇人善任端有賴於賢有司吾豐之志由來舊矣茲距壬申之修已五十七年物換星移舊章既多散佚往跡復漸淪亡屢奉

功令檄催因循未果歲乙丑欣逢沁水寶庶常來蒞茲
百廢具舉下車日卽召邑紳士倡議重新事未集遽以
憂去丙寅靖海朱明府繼軌毅然以修復自任規模甫
定又緣白簡脫簪當軸乃特擢候補司馬高平鄭公攝
斯篆復加振作以觀厥成維時纂修有人協修有人分
校有人抄以目盲委以督修重任深懼弗克稱厥職開
館之初卽與諸同人約曰今日之志卽他日國史之徵
甚弗視以爲易也毋自用毋欲速其難其慎惟和惟一
尚勉旃夫鑒水知貌鑿古知今未有不師古而能善其
事者於是先取南昌郡志江右通志

豐城縣志

卷之首

舊跋

三十七

大清一統志會典廣輿記諸書沉潛熟復以備叅稽如是者
數月乃取前修作底本逐類分疏補其殘闕正其謬訛
辨其疑似要皆根據羣書未敢少爲臆斷若壬申以後
事半取資於六房之掾史不廢胥鈔半徵信於四鄉之
故老匪同耳食若自行陳情多屬子虛卽節取片長亦
必採之輿論非敢遺珠寶恐亂玉吾寧爲其刻不爲其
濫如是者又數月迺取前志目錄叅互考證畧加變通
循節次無失其因別體裁不嫌其創或益之或損之詳
畧適宜若分焉若合焉正附有體如是者又復數月雖
不惜禿稿不吝塗往復更翻不遺餘力務俾閱者瞭然

於日了然於心無騎牆之見而有列眉之觀然後授之梓人分甲乙辨魯魚以收功於末路者正復匪朝伊夕矣吾因之有感焉古之良史龍門而下羣稱班范兩漢書然以余考之前漢託始於馬遷而要終於大家其間上資賈逵劉歆陳宗尹敏孟異爲中權後漢書先有謝承薛瑩等七家引其端後則晉秘監司馬彪竟其緒終又得劉珍蔡邕等揚其烈二子特掠取衆長以收其美名是知一人一手必難勒成一書今此書之成實出於衆人之手羣策羣力各奏爾能我不敢知曰若卷之成於若手其妍媸奚似也我亦不敢知曰若人之所司若

任其優劣居何等也惟是吾黨之用才惟其稱弗惟其備君子之立節見其大尤窺其微亦旣風雨連牀兩更裘葛時以久而難假人以習而見真我不敢以不肖待人人自不肯以菲薄自待又况內凜於同事之糾繩外惕於旁觀之指摘瀆焚之私我知免矣董子云不謀其利不計其功庶幾可共信焉顧余以捫籥之愚自熹一得因敢披肝裂膽厯陳於卷帙之餘以告世之知我罪我者是役也始於嘉慶丙寅夏五成於戊辰秋中其資費悉出於邑之殷彥已登之乘勒之石矣其內外贊襄厥事者若舉人熊謙鄩致遠熊象麟武舉黃光裕州同

王家經廩生徐瀚朱雲直黃嘉善熊駿增生蔣梯附生
蔣沂唐鑑葛正茂丁有仁何嵐蔣光國蔣景文鄒聘吳
大業余景暘李之培于世華金光燮李懷棻陳元善朱
蘭鄒元劉光華胡執禮熊榮麟監生黃之峻甘一敬孫
岑涂必達李芳撫黃登榮羅衣彩羅克紋熊正翔李敏
元于衍祥周學儒李印迪羅景星熊正樂職員呂恭例
得備書嘉慶十三年戊辰孟秋白沙墨墨老人羅拔識

豐城縣志舊序

余自鶴城調豐凡有關吏治者一一舉行恐後竊思吏
治所敷邑被之志卽記之是志尤作吏者所宜究心也

豐城縣志

卷之首

舊序

三十九

明甚豐志修自嘉慶戊辰以古甲子計之距歲星一紀
有奇耳刮剝未久楮墨猶新不舊之是仍而斷斷然謀
蒐輯恐以選事蒙臧大夫嗤矣然余當政暇稽前志所
稱豐士民僉敦本業慎名檢禮義之俗不因時而變卽
古準今必有足裨吏治者可供採擇矧奉上憲文檄
取邑志彙爲通志此際而不議續異時徵文考獻其不
至以近今之軼事而傳聞異辭也幾希緣是署榜四境
諭諸有力者醵金襄其事議甫定余以卓薦入京師比
返啟局已浹月採訪呈牘者趾交錯庭下而纂輯諸君
復日繕稿就質余詳爲審定甄其可去可留者相與商

擢取其事增於前名副其實不失善善從長大旨凡以一邑之掌故實吏治所權輿耳曩余奉諱里門應涇陽張治堂郡伯海鹽陳珠泉邑侯之命脩巴陵志查邑志殘闕已歷百二十年散佚既多補輯匪易比時秉筆桑梓頗具陽秋業業兢兢不肯苟下一字誠懼或遺或濫鬼責人非森然心目噫嘻蓋其難也茲豐志之輯視吾曩所脩者年代遠近雖殊體裁繁簡雖異而矜慎則大畧相同試綜其大綱眴眴然明焉挈其小紀井井然不紊焉若宜張若宜弛若宜旌若宜別若者甦閭閻疾苦若者資風俗勸懲其於豐政緩急先後之序可一目而

豐城縣志

卷之首

舊序

四十

瞭然矣繼此宰斯邦者卽以爲吏治之嚆矢也可道光五年歲次乙酉季春月

勅授文林郎豐城縣知縣充辛巳

恩科同考試官加七級紀錄八次卓異加一級回任侯陞巴陵徐清選序

豐城縣志舊序

歲癸未 賢父母徐侯蒞豐之三年奉 憲檄通志重修各屬其彙志呈核時 侯集紳謀修志甲申五月 侯以異薦入都河間 李父母自瑞昌來攝豐閏七月 偕 贊府姚公以 侯成議召眾舉任事者設局先是

縣志修自嘉慶戊辰距今十有七載方議應增者分類以續八月衆受事檢舊刻漫漶殘缺十之三勢宜易板時上臺檄催益迫各公務費不貲議數日始定既望與同志諸先生酌體例檢校舊本付傭書者書重九後侯旋自京稿以時質十月募刊工興事十一月舊稿畢迺續應續者而邑中已記載投牘縣庭積盈尺侯飭發局諸同志次第核之繼參以衆論終則惟憲裁是斷越月續稿畢今年二月刊工畢夏四月書成費錢貳千緡有奇豐志自昔厓畧見舊序今志條件凡例詳之無俟言竊有云者志志其實也實則公公則可信然公

豐城縣志

卷之首

舊序

四十一

綦難在事者心爲主才分以副之時勢以成之非是則否斯志之修可曰無憾哉顧區區之心各有以自質焉
邑人毛輝鳳識

豐城縣志舊跋

志以傳信不信失則誣以考典不典失則俚誣非所以昭來茲俚非所以繩曩軌我湘浦徐侯下車以來留心文獻適程大中丞議修通志檄所屬各以志呈侯迺下教邑中謂豐志纂葺雖距今僅十數載然官師人物水利農田旁逮幅員建置興革乘除之數有加焉尾續紀載以備政要維風俗守土者不得辭諸君子居

桑梓之邦亦與有責邑士夫稟承風旨奏記典籤以毛君輝鳳熊君起鳳暨各坊雋士膺其選而漢亦獲參末

議漢惟筆削之體諸先達具有典型豈後人所能津逮

第年代久則事增修葺頻則帙富若徒學步邯鄲而茫無棄取摘華錯俎而未協體裁非特以俚且誣者取譏後人將積至數千百年必且充棟汗牛而皮實無地故取材不得不嚴徵詞不得不簡所患嚴而或苛簡而弗覈詮次違其實步趨詭於時則又如承祚作志縱見賞河汾恐世無裴松之一一代爲補注也且豐境三百八十里豈區區數人之見聞所能兼綜而廣攬是秉筆者

豐城縣志

卷之首

舊跋

四十二

陟荆嶠而棄連城羅溟澥而遺照乘亦往往在所不免然鄧定宇曰無所以不朽書無益有所以不朽不書無損三復斯言又足解嘲矣夫靡涯者學也紛出者才也極不齊者識解也前人所定今或從而訂其訛今日所編能保後之不摘其謬惟不狃偏私不徇請託根據確采擇公則參眾論而非苟同出獨見而非立異書成人我予焉可卽我訾焉亦無不可也漢學殖荒落於諸君子無能爲役然握三寸不律以仰體徐侯蒐羅文獻至意敢遂謂無千慮之一得如云誣矣而信不足傳俚矣而典無可考則士林固有真鑑在時勸捐若知縣丁

劭經教諭朱炳憲辛運泰舉人熊觀光武舉羅亨貴拔
貢楊日襄附貢唐珪璋廩生黃嘉善熊立定熊藻袁士
立呂克儀增生萬承曾黃槐茂生員熊顯學熊祥煒何
銳呂調陽黃繼善辛光照周中吉熊立德杜思台蔣蔚
劉家修崔洪烈李登雲黃克家徐三垣雷士俊李春芳
龔光裕金光燮管平朱蘭熊飛渭金應誥熊典金瑞李
立中熊維金式徐學純鄔詔精戴謨雷士琳丁溶李顯
程州同熊陽謙州判任光昌監生萬光峻陳華綱熊顯
濤于世祥何家駿曾溥朱雲驥羅允維熊運麒蔣久侃
夏雨田李鳳徐步程李尙高丁猷耀李時慶職員謝彪
謝發牟胥義和武生熊泰來熊飛黃光浣丁猷寬徐斯
杰例得備書道光五年四月邑人文炳漢跋

前修姓氏

宋

王孝友

順伯邑東山人著豐水志

元

李克家

肖翁邑湖茫人遼陽學提舉著豐水續志

明

熊觀

退庵邑馬湖人參政著馬湖志

李貴

浣所邑鄂南湖人解元進士四川副使著豐乘

萬縝

生員

夏

密生員

丁燿

生員

徐

鑛生員

豐城縣志

卷之首

前修姓氏

高臣勲

生員五人俱於萬曆辛卯輯續豐乘茲據舊跋增入

國朝康熙三年修豐城縣志

陸履敬

止敬邑鄂仙音巷人進士

余配元

檀西邑前村人進士襄陽知縣

丁序瑛

石公邑鄂東禪巷人進士西安知縣

李肇陞

元達邑南湖人舉人

李予璋

伯偉邑湖茫人歲貢

羅人文

右我邑城西人歲貢

胡學浹

悅之邑旗塘人生員

丁靈長

萬祚邑沙湖人生員

蔣廊

汝亮邑陽夏坊人遷城內生員

乾隆十七年重修

唐光雲

萃亭邑鄂北門人進士長寧知縣

甘紱

曜園邑鄂大街人拔貢

涂叢桂

秋圃邑鄂城東人副貢

李吐萼

改名台蓮邑鄂南湖人舉人興寧知縣

李渭 引璜邑南湖人增

周書 西充邑郭人生員

夏榮蓮 益清邑郭學前人

熊承運 元美邑杭橋人生員

嘉慶十三年重修

羅拔 柳齋邑白沙人進士黃陂知縣

毛士潔 雪溪邑龍霧洲人舉人瑞州府教授

丁猷駿 健菴邑郭沙湖人舉人江浦知縣

楊其義 朗峯邑郭太平巷人歲貢

李恭元 敬修邑徐塘人舉人南城教諭

呂新 蔚前邑塘下人舉人教諭

徐紹文 懷周邑流溪人歲貢國子監學正

楊道南 杏門邑太平巷人拔貢

雷緝 紹周邑曲源人歲貢

熊浩 汝謙邑槐頭人歲貢

熊彩麟 蔚雲邑瓘山人增

歐陽勳 居仁邑南溪人生員

熊聯瑚 夏欽邑密嶺人生員

任福謙 顯廷邑吳城人生員

豐城縣志

卷之首

前修姓氏

二

總理

李顯秩 清華邑北港洲人居邑郭附貢

余步梅 和羹邑郭人生員

丁揆先 希亭邑郭沙湖人武舉

黃光諭 敬菴陡溪人居邑曹家巷職員

道光五年重修

毛輝鳳 梧生邑大塘人舉人巴縣知縣

文炳漢 紅蘅邑郭城隍巷人舉人泰和教諭

熊起鳳 丹崖邑塘頭人廩貢署贛州教授

萬時敏 遜之後萬人廩貢吉水訓導

胡執禮 敬亭邑胡家嶺人廩生

周承志 令生邑郭西人增生

李燮 斂斯邑清溪人增生

黃希灝 濬泉邑滄溪人增生

朱雲漢 小眉邑源嶺人例貢

黃光典 西山邑門樓人生員

熊學海 靈區邑陸溪人生員

鄔華國 文圃邑蘆荻人生員

余景陽 煦亭邑銅湖南谿人

熊聯瑚 崑山邑密嶺人生

游雲鶚 利山邑苦竹洲人

陳景嘏 錫堂邑汕田人生

楊起鳳 丹山邑烏柏上點人

李傑 豪軒邑筱塘人生

熊駿 毅堂邑塘頭人拔貢署甯都州學正

余肇甲 苓肄邑銅湖南谿人

葛正茂 戢軒邑鄒務前人

夏琮玉 朗山邑鄒學前人

余俊 又齋邑鄒大井人

劉懋經 勉亭邑艾岡人生

黃謨 顯哉邑鄒城南人

丁猷蘅 藹亭邑鄒沙湖人

黃光斗 璇次陟溪人居邑

黃先玘 已三陟溪人居邑

總理

唐鑑 秋湖邑鄒北門人

丁揆先 希亭邑鄒沙湖人

豐城縣志

卷之首

前修姓氏

三

黃先達 雲谷陟溪人居邑

夏文蔚 霞軒邑鄒學前人

余景鰲 魁顯新洲人居邑

蔣沂 毓川邑鄒著棋巷

范祥 錦溪邑鄒智林巷

史光奎 輝垣邑鄒著棋巷

呂克瑞 玉圃邑洛溪人職

傅金鰲 冠山邑九里灌上

黃元谷 曙軒邑門樓人舉

袁名松 友竹邑荷塘人武

丁猷添 錫齡邑鄒沙湖人

唐泰開 晦村邑鄒北門人

萬啟茂 松坡邑後萬人監

楊緒芝 聘卿邑太平巷人

涂賢錫 名揚邑城東人監

豐城縣志卷之首

首卷 序 纂修姓氏 凡例 繪圖 舊序 前修姓氏

卷之一

地理 星野 疆域 沿革 山川 都圖 鄉里 墟市 附 河渠

卷之二

地理 河渠 漕梁 陂堰 附 風俗 土產 古蹟

卷之三

建置 城池 衙署 祠祀 寺觀 附 公廨 坊表

卷之四

食貨 戶口 田賦 倉儲

豐城縣志 卷之首

總目

卷之五

學校 學宮 學制 學田 學業 學額 附 書院 社學

卷之六

武備 兵制 武事

卷之七

職官 文職 武員 名宦

卷之八

選舉 甲科 賜銜 武科 附

卷之九

選舉 辟薦 諸貢 援例

卷之十

選舉

勳爵武職附

掾考

封廕

鄉飲

卷之十一

人物

仕績

卷之十二

人物

仕績

卷之十三

人物

仕績

卷之十四

人物

仕績

豐城縣志

卷之首

總目

卷之十五

人物

儒林

卷之十六

人物

文苑

卷之十七

人物

忠貞

卷之十八

人物

孝友

高行

卷之十九

人物

善士

卷之二十

人物 善士

卷之二十一

人物 壽民

方伎

厲賢

卷之二十二

人物 列女

卷之二十三

人物 列女

卷之二十四

藝文 書目

豐城縣志

卷之首

總目

三

卷之二十五

藝文 文類

卷之二十六

藝文 文類

卷之二十七

藝文 詩類

卷之二十八

雜類 仙釋

坐墓

祥異

軼事

凡例

一邑志

國朝自康熙三年以來凡經四修體例悉備茲遵省志分地理建置食貨學校武備職官選舉人物藝文雜類十門各目依次編入不漏不支都爲全帙

一星野前志過畧茲參取嘉慶十三年舊志節錄增補其疆域沿革山川都圖風俗土產古蹟則仍之

一河渠爲地理志中鉅目况豐爲澤國隄防爲大津梁陂堰次之皆當詳載俾留心水利者得資採擇前志繫於官政茲改歸地理以符體製

豐城縣志

卷之首

凡例

一墟市爲貨財聚集人民輻輳之所茲於前志所列外增入三十有七以見一邑生聚之盛焉

一前志無建置一門城池衙署祠祀公廨悉繫官政不知城池爲都會之地衙署爲統馭之區祠祀則祀典攸關公廨則辦公所係特立專門以昭慎重考棚寺觀坊表之在建置類者附之

一元至元二十三年以豐城戶滿五萬陞爲富州豐之戶口繁盛由來久矣前志有田賦無戶口未免遺漏茲照省志以戶口列田賦先明田賦所自出田賦則悉照賦役全書登載而蠲免緩征尤見

皇仁疊沛謹書之以誌不忘

一倉儲做常平而設所以備一邑凶荒

本朝良法也前志未列其目茲併歸食貨志以補前缺但名存實廢積蓄無餘書倉厥亦告朔餼羊之意

一學校前志繫於官政茲遵省志立學校一門而學宮學制書院依次備載其學額學田社學亦具焉

一武備之目有二曰兵制曰武事兵制則依舊登載武事則取各坊團練防堵髮逆事實著於篇

一職官前志舉冠本邑人物之首以治豐之人儕於受治之人恐未允協茲特立職官一門文武備載其有政績

豐城縣志

卷之首

凡例

二

可紀者列名宦傳後既以示尊亦以便覽

一史家體裁選舉人物其例各別前志以科目辟薦諸貢掾考援例勳爵武職封廕鄉飲諸目繫人物志體裁未合茲仍分諸目歸選舉一門庶綱領秩然不紊

一人物前志分目彙編深得循名核實之意茲照舊彙登應增者依類增之惟仙釋則遵省志改入雜類

一各列傳經前志增益節損均歸至當惟各類應增者照例增入

一忠貞前志所載代不數人今獨倍於前者自髮逆竄擾以來邑中團練守禦捐軀陣亡與罵賊而死所在皆然

其經

奏明

賜卹祀忠義祠者千有餘人可立傳者爲之編傳餘俱依死
事先後彙登益以見

國家厚澤深仁死生共戴卽田夫野老亦知見危授命云

一列女前志惟奇行苦節有實事堪紀者方爲立傳餘祇
載其姓氏及守節年例以避繁冗茲照舊分別增輯而
壽婦孝女附焉凡以彰陰教維風化云爾

一藝文前志書目一卷文類二卷詩類一卷藝文補錄一
卷茲仍舊列書目文類詩類而以其所補錄者依年代

豐城縣志

卷之首

凡例

三

補入併爲四卷至時賢所作有關係者亦闡登一二其
他著述概不收入


一前志雜說一卷今改爲雜類一門而以仙釋瑩墓祥異
軼事繫之與前九門共分五十目全書之成具在是焉
一此志距前志之修四十有九年成書具在擇精語詳無
煩贅述其有以綱繫目間爲更正者俱遵照省志以期
畫一非妄逞臆見也覽者諒之

豐城縣志

卷之首

繪圖


縣治圖



豐城縣志

卷之首

繪圖



西來山

牛宿洲

洲林楊

洲鷄金

壘厲

山宸北

廟北鎮觀雲陽

門北 門仙望

門陞高

廬石宮

廟便永

湖

湖家耿

門東小

廟天符

縣郭圖

湖

東門

東嶽觀

古操場

社稷壇

廟壇頭

門北

門仙望

門陞高

千草墓

巷通五

巷棋著

水流西

巷鵬化

巷井義

南朝水北

水分字八

南頭巷

毛家巷

南朝橋

毛家湖

崔家湖

門南

門南

忠孝節

城隍廟

城隍廟

城隍廟

城隍廟

城隍廟

城隍廟

城隍廟

城隍廟

城隍廟

城隍廟

城隍廟

城隍廟

城隍廟

城隍廟

城隍廟

城隍廟

城隍廟

城隍廟

城隍廟

城隍廟

城隍廟

城隍廟

城隍廟

城隍廟

城隍廟

馬廐

南園文宗

南橋

火巷改

太平巷

洪家灣

曾家湖

水閣湖

水閣湖

水閣湖

水閣湖

水閣湖

水閣湖

水閣湖

水閣湖

水閣湖

水閣湖

水閣湖

水閣湖

豐城縣志

卷之首

繪圖

三



豐城縣志

卷之首

繪圖

四




東

署齋副

祠學正

湖園射




豐城縣志

卷之首

繪圖

五

北



秀傑樓

聖祠

堂

塘

講堂

成殿

成門

池

正齋署

南

西

忠義祠

鄉賢祠

門

道

龍山書院

88

88



長岡鎮

龍山圖

大橋

龍山書院

龍頭山

風雨亭

龍山渡

金華潭

龍山圖

白洲

南岸

豐城縣志

卷之首

繪圖

六



江防圖



豐城縣志

卷之首

繪圖

七



豐城縣志

卷之首

繪圖

八




豐城縣志

卷之首

繪圖

九



豐城縣志

卷之首

繪圖



官渡口 龍鎮庵 湖 風雨亭 寺廟 王家橋 任坊庵 白洲 街 南沙岫 龍山書院 龍頭山 大橋 川橋 西倉 正悟寺 街 海慧寺 北港洲 老石

天符廟 湖 湖 小東門 杜家灣 螺師師符 永豐倉 平豐塢 牛宿洲 金雞洲 新洲 江曲 東岳廟 塘頭口 木林塢

搖計清
豐界至
港口共
八十里



豐城縣志

卷之首

繪圖


十一


豐城縣志

卷之首

繪圖

京都會館





京都南館

豊城縣志


卷之首

繪圖

二

東劍遷日

館會城豊




京都新館

豐城縣志

卷之首

繪圖

三





豐城縣志

卷之首

京都義園


繪圖

四



宋龍光書院圖

塔埠雲濤



榮湖落雁

公道馬驛

豐城縣志

劍池夜月

亭水春

晚晴

室之

樓經六

讀書

規戒堂

殿聖

廡右

院書光龍

羊年瞻學倉殿

室之

山寺晨鐘

山寺

池環水豐

豐城縣志

卷之首

繪圖

六

